



O Xurado Provincial de Clasificación de Montes Veciñais en Man Común de Ourense, en sesión que tivo lugar con data 8 de novembro de 2006 adoptou a seguinte

RESOLUCIÓN:

Visto o expediente de clasificación como veciñal e man común de monte denominado Borreal, A Tula e Tras Carril, tramitado a solicitude dos veciños de Codosedo, resultan os seguintes

FEITOS:

Primeiro.- Con data 7 de xullo de 2005 tivo entrada no rexistro da delegación provincial da consellería de Medio Ambiente escrito dirixido ao Xurado Provincial de Clasificación de Montes Veciñais en Man Común de varios veciños do lugar de Codosedo, Concello de Sarreaus, no que solicitan a clasificación como veciñal en man común do devandito monte a favor dos veciños do indicado lugar.

Segundo.- Con data 11 de maio de 2006 o xurado provincial acorda iniciar o expediente de clasificación como veciñal en man común do referido monte, designando instructor e procedendo a realizar as comunicacións e publicacións ás que fan referencia os artigos 20, 21 e 23 do regulamento para a execución da Lei 13/1989, de 10 de outubro, de montes veciñais en man común, aprobado polo Decreto 260/1992, do 4 de setembro, abrindo un período de un mes para a práctica de alegacións.

Terceiro.- No prazo concedido para a práctica de alegacións non consta que se presentara ningunha.

Cuarto.- O monte obxecto de clasificación, de acordo coa documentación obrante no expediente, descríbese así:

Concello: Sarreaus (Ourense).

Denominación do monte: Borreal, A Tula e Tras Carril.

Comunidade veciñal solicitante: veciños de Codosedo, da parroquia de Santa María de Codosedo, concello de Sarreaus.

Superficie: 10,34 Has, en total, aproximadamente.

O devandito monte está composto por catro fincas resultantes da zona de concentración parcelaria de Bresmaus-Codosedo (Sarreaus) que se describen así:

Finca nº 95, do plano xeral, ó sitio de Su Borreal.

Superficie: 4,3380 Has.

Lindeiros:

Norte: finca nº 96, de descoñecidos.

Sur: finca nº 91, de Josefa Nieto Castro; finca nº 92, de Gustavo Fuertes Pérez e outros, e fincas nº 93 e 94, de outros propietarios.

Leste: camiño.

Oeste: finca nº 98, de Antonio López Lozano.

Finca nº 149, do plano xeral, ó sitio de A Tula.

Superficie: 140 m².

Lindeiros:

Norte: camiño.

Sur e Leste: finca nº 150, de Manuel Losada Losada.

Oeste: finca nº 140, de Modesto Lozano Taboada.

Finca nº 131, do plano xeral, ó sitio de Borreal.

Superficie: 3, 8865 Has.

Lindeiros:

Norte: finca nº 127, de Áurea Iglesias Lozano; finca nº 128, de Encarnación López Cid e fincas nº 129, 130 e 133 de outros propietarios.

Sur: camiño.

Leste: finca nº 132, de Matías Cajete Robles e outra e finca nº 848, de Masa Común.

Oeste: camiño.

Finca nº 123, do plano xeral, ó sitio de Tras Carril.

Superficie: 2, 1020 Has.

Lindeiros:

Norte: canal.

Sur e Leste: camiño

Oeste: finca nº 122, de Manuela López Robles.

FUNDAMENTOS DE DEREITO:

Primeiro.- O Xurado Provincial de Clasificación de Montes Veciñais en Man Común é órgano competente para coñecer os expedientes de clasificación dos montes que teñan tal carácter, de acordo co establecido no artigo 9 da Lei 13/1989, do 10 de outubro, de montes veciñais en man común.

Segundo.- de conformidade co disposto no artigo 1 da devandita Lei "son montes veciñais en man común... os que, con independencia da súa orixe, as súas posibilidades productivas, o seu aproveitamento actual e a súa vocación agraria, pertencen a agrupacións veciñais na súa calidade de grupos sociais e non como entidades administrativas, e se veñan aproveitando consuetudinariamente en réxime de comunidade sen asignación de cuotas polos membros daquelas na súa condición de veciños".

Terceiro.- É reiterada doutrina da sala contencioso-administrativa do Tribunal Supremo que son dúas as notas características dos montes veciñais en man común: unha, o aproveitamento consuetudinario en man común, e outra, a atribución da titularidade dese aproveitamento ós veciños integrantes dun grupo social determinado, independentemente da súa cualificación ou non como entidade administrativa; correspondendo constatar o aproveitamento e atribuír a titularidade a favor do grupo social que o veña disfrutando ao Xurado Provincial de Clasificación.

Cuarto.- O carácter de monte veciñal en man común tense acreditado mediante as testemuñas dos veciños solicitantes e as actuacións realizadas polo servizo de Montes e Industrias Forestais, sen que durante a tramitación do procedemento se tivese producido reclamación ningunha de titularidade distinta.

En consecuencia co que antecede, vista a Lei 13/1989, do 10 de outubro, de montes veciñais en man común, o seu regulamento, aprobado polo Decreto 260/1992, do 4 de setembro, o Decreto 562/2005, do 1 de decembro, polo que se establece a estrutura orgánica da consellería do medio Rural, e demais normativa legal e regulamentaria, o xurado provincial por unanimidade dos seus membros.

RESOLVE:

Primeiro: Clasificar como monte veciñal en man común a favor dos veciños do lugar de Codosedo, no concello de Sarreaus, o monte Borreal, A Tula e Tras Carril coa descrición reflectida no feito cuarto.

Segundo: Que, en cumprimento do disposto no art. 28 do regulamento para a execución da Lei 13/1989 (citada) a presente resolución se notifique ós interesados no expediente e se publique no diario oficial de Galicia facendo constar que pode ser obxecto de recurso potestativo de reposición



perante o Xurado Provincial de Clasificación de Montes Veciñais en Man Común de Ourense no prazo dun mes, ou ben interpoñer directamente recurso contencioso-administrativo perante o Xulgado do Contencioso Administrativo de Ourense, no prazo de dous meses contados desde o día seguinte ao desta notificación, de acordo co disposto no artigo 12 da Lei 13/1989 (citada), nos artigos 116 e 117 da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/199, do 13 de xaneiro, e nos artigos 8 e 46 da Lei 29/1998, do 13 de xullo, reguladora da xurisdicción contencioso-administrativo.





CONSELLERÍA DE AGRICULTURA,
GANADERÍA E MONTES
Dirección Xeral de Estructuras
e Desenvolvemento Rural


Zona: CODOSEDO-BRESMAUS

Concello: Sarreaus

Provincia: Ourense

Polígono 1

ESCALA APROX. 1: 6000



Tras Carril



NOTA:
Este plano parcial débese desglosar do título
para ser unido ás escrituras en que cons-

Sarreaus (3512-1)

ESCALA APROXI. 1: 6.000

Este plano parcial débese desglosar do título para ser unido ás escrituras en que consten as sucesivas transmisións da finca.

ESCALA APROXI. 1: 6.000



Este plano parcial débese desglosar do título para ser unido ás escrituras en que cons-

Barneau (3512-3)



Concello: Sarreaus

Provincia: Ourense Polígono 1

ESCALA APROXI. 1: 6.000



NOTA:
Este plano parcial débese desglosar do título
... .. en que cons-

Barreau (3512-4)